

CYMHARU BYWYDAU IFANC

TROSOLWG I'R ATHRO

Cyflwyniad

Mae'r adnodd byr hwn ar gyfer pobl ifanc 8 i 14 blwydd oed yn darparu cyfres o weithgareddau rhagaratoawl difyr sy'n galluogi'r dysgwyr i archwilio mater anghydraddoldeb trwy fywydau pobl ifanc sy'n byw yn Ethiopia, India, Periw a Fiet-nam.

Adnodd cynnig blas yw *Cymharu Bywydau Ifanc* sy'n seiliedig ar ddau o adnoddau presennol Oxfam sy'n cymharu bywydau pobl ifanc o amgylch y byd:

- Everyone Counts – adnodd mathemateg ar gyfer pobl ifanc 8 i 12 mlwydd oed.
- *Mwy neu Lai'n Gyfartal?* – set o adnoddau daearyddiaeth, mathemateg a Chymraeg ar gyfer pobl ifanc 11 i 16 mlwydd oed.

Datblygwyd yr holl adnoddau hyn gan Oxfam ar y cyd â Bywydau Ifanc. Prosiect ymchwil rhyngwladol yw Bywydau Ifanc sy'n astudio achosion a chanlyniadau tlodi plant. Am fwy na 15 mlynedd, bu ymchwilwyr yn dilyn bywydau 12,000 o blant mewn pedair gwlad, sef Ethiopia, India, Periw a Fiet-nam. I gael gwybod rhagor am brosiect Bywydau Ifanc, edrychwch ar y *Trosolwg i'r Athro* ym mhecynnau *Mae Pawb yn Cyfrif a Mwy neu Lai'n Gyfartal?* neu edrychwch ar: younglives.org.uk/

Thema waelodol *Cymharu Bywydau Ifanc* yw anghydraddoldeb, sy'n cyfeirio at wahaniaethau eang mewn poblogaeth o ran cyfoeth pobl, eu hincwm a'u mynediad at wasanaethau hanfodol fel iechyd ac addysg. Gall y gwahaniaethau hyn ddigwydd rhwng cymunedau yn yr un wlad, neu rhwng pobl sy'n byw mewn gwahanol wledydd. Gall anghydraddoldeb hefyd fod yn berthnasol i gyfleoedd (siawns mewn bywyd) a chanlyniadau anghyfartal.

Gwelir bellach fod y bwlch rhwng pobl gyfoethog a phobl dlawd yn tyfu'n gyflym mewn sawl gwlad o amgylch y byd. Mae saith o bob 10 o bobl y byd yn byw mewn gwledydd lle mae anghydraddoldeb economaidd wedi cynyddu yn y 30 mlynedd ddiwethaf. Petai holl gyfoeth y blaned yn cael ei rannu'n ddau, byddai un hanner yn mynd i'r un y cant mwyaf cyfoethog a'r hanner arall yn mynd i'r 99 y cant sy'n weddill o boblogaeth y byd.¹ Mae anghydraddoldeb yn broblem gynyddol yn y Deyrnas Unedig. Mae'r pum teulu mwyaf cyfoethog yn y Deyrnas Unedig bellach yn fwy cyfoethog na'r 20 y cant isaf o'r boblogaeth (12.6 miliwn o bobl) gyda'i gilydd.² I gael rhagor o wybodaeth am anghydraddoldeb, darllenwch y *Nodiadau cefndir i athrawon* yn y pecynnau *Mae Pawb yn Cyfrif a Mwy neu Lai'n Gyfartal?*

¹ *Working for the few: Political capture and economic inequality* (Ricardo Fuentes-Nieva a Nick Galasso, Oxfam Rhyngwladol, 2014) policy-practice.oxfam.org.uk/publications/working-for-the-few-political-capture-and-economic-inequality-311312

² *A Tale of Two Britains: Inequality in the UK* (Sarah Dransfield, Oxfam, 2014) policy-practice.oxfam.org.uk/publications/a-tale-of-two-britains-inequality-in-the-uk-314152

Nodau Cymharu Bywydau Ifanc

- Defnyddio astudiaethau achos a data o fywyd go iawn i ymgysylltu â'r dysgwyr a'u galluogi i weld perthnasedd ymarferol daearyddiaeth, astudiaethau cymdeithasol (yr Alban), mathemateg a Chymraeg yn y byd o'u cwmpas.
- Annog dulliau addysgu a dysgu cyfranogol, ymchwiliol a chydweithredol.
- Annog meddwl yn feirniadol am faterion a gwerthoedd.

Strwythur

Rhennir *Cymharu Bywydau Ifanc* yn dair sesiwn, gydag awgrymiadau am weithgareddau mewn tri maes pwnc. Rydym wedi ceisio cadw'r sesiynau mor hyblyg â phosibl Gallech benderfynu hepgor rhai gweithgareddau yn dibynnu ar faint o amser sydd ar gael ac ar wybodaeth, dealltwriaeth ac anghenion presennol eich dysgwyr. Gallai fod yn briodol i wasgaru'r gweithgareddau mewn rhai sesiynau dros fwy nag un wers. Ym mhob sesiwn, darperir gweithgareddau wedi'u gwahaniaethu ar gyfer dysgwyr iau a hŷn, ynghyd â syniadau i gefnogi trafodaeth a dysgu pellach.

Mae pob sesiwn yn dechrau â throsolwg sy'n cynnwys amcanion dysgu, deilliannau dysgu, cwestiynau allweddol a chysylltiadau â'r cwricwlwm. Darperir amseroedd bras ar gyfer y gweithgareddau a awgrymir ond nid yw'r rhain yn cynnwys yr amser a allai fod yn angenrheidiol ar gyfer mewnbwn addysgu ychwanegol ynghylch rhai o'r cysyniadau. Dyluniwyd yr holl sesiynau i gynnig hyblygrwydd o ran eu defnyddio ac felly, gallai cyfanswm yr amser a gymerir i gwblhau'r holl weithgareddau amrywio. Nid oes gweithgareddau cychwynnol na sesiynau llawn wedi'u cynnwys gan y tybir y bydd athrawon am gynllunio'r rhain yn unigol. Mae'r holl daflenni adnoddau a gweithgareddau wedi'u cynnwys yn y trosolwg o'r sesiwn. Darperir sioe sleidiau hefyd i'w defnyddio gyda'r tair sesiwn.

Telerau defnyddio

Hawlfraint © Oxfam GB/Bywydau Ifanc

Gallwch ddefnyddio lluniau a gwybodaeth berthnasol yn yr adnodd hwn i ddibenion addysgol yn eich sefydliad addysgol. Bob tro y byddwch yn eu defnyddio, rhaid i chi gydnabod y ffotograffydd sy'n cael ei enwi ar gyfer y ddelwedd honno, ynghyd ag Oxfam a Bywydau Ifanc. Ni chewch ddefnyddio'r delweddau na'r wybodaeth gysylltiedig i ddibenion masnachol, nac y tu allan i'ch sefydliad addysgol. Mae pob gwybodaeth sy'n gysylltiedig â'r delweddau hyn yn berthnasol i'r dyddiad a'r adeg y cafodd y gwaith prosiect hwnnw ei gyflawni.

Amlinelliad manwl o'r adnoddau

Teitl y sesiwn	Amcanion Dysgu	Deilliannau Dysgu	Cwestiynau allweddol	Gweithgareddau	Adnoddau
Daearyddiaeth: <i>Darlunio gwledydd</i>	<ul style="list-style-type: none"> Gallu lleoli pedair gwlad Bywydau Ifanc a'r Deyrnas Unedig ar fap o'r byd, ynghyd â'r gwledydd a'r cyrff dŵr sy'n ffinio â nhw. Cyfleu gwybodaeth bresennol am bedair gwlad Bywydau Ifanc. Deall sut y mae rhagdybiaethau a thybiaethau'n gallu dylanwadu ar ein syniadau ynghylch pa fath o le yw rhywle. 	<ul style="list-style-type: none"> Bydd y dysgwyr yn lleoli pedair gwlad Bywydau Ifanc a'r Deyrnas Unedig ar fap o'r byd, ynghyd â'r gwledydd a'r cyrff dŵr sy'n ffinio â nhw. Bydd y dysgwyr yn nodi eu gwybodaeth bresennol am y gwledydd hyn ynghyd â beth arall yr hoffent ei wybod. Bydd y dysgwyr yn defnyddio ffotograffau i archwilio eu gwybodaeth a'u tybiaethau presennol am y gwledydd hyn. 	<ul style="list-style-type: none"> Beth yr ydych eisoed yn ei wybod am y gwledydd hyn? Beth yr hoffech ei wybod? Yn eich barn chi, sut beth yw bywyd yn y gwledydd hyn? Ble, yn eich barn chi, y tynnwyd y ffotograff hwn? Pa dystiolaeth sy'n sail i'ch syniadau neu eich tybiaethau? A ydych chi'n meddwl bod tybiaethau pobl ynghylch pa fath o le yw rhywle yn gywir bob amser? 	<ul style="list-style-type: none"> Gweithgaredd 1: <i>Ble yn y byd?</i> Gweithgaredd 2: <i>Herio tybiaethau</i> 	<ul style="list-style-type: none"> Sioe Sleidiau: sleidiau 2-7 Tafleni adnoddau: <ol style="list-style-type: none"> – 5) <i>Cipluniau Gwlad: A, B, C, D ac E</i> – 7) <i>Cipluniau Gwlad: nodiadau cyfeirio 1 a 2</i> Taflen Gweithgaredd: <ol style="list-style-type: none"> <i>Ble yn y byd?</i>
Mathemateg: <i>Trin Data</i>	<ul style="list-style-type: none"> Gwybod rhai ffyrdd o fesur llesiant mewn modd meintiol. Dehongli data, eu cynrychioli a'u disgrifio mewn gwahanol ffyrdd. Deall bod canran (%) yn ymwneud â 'nifer y rhannau fesul cant'. 	<ul style="list-style-type: none"> Bydd y dysgwyr yn dehongli set o ddata sy'n mesur llesiant. Bydd y dysgwyr yn gofyn ac yn ateb cwestiynau, ac yn cynhyrchu datganiadau am set o ddata. Bydd y dysgwyr yn defnyddio ffeithluniau i gynrychioli data canrannau. 	<ul style="list-style-type: none"> Sut y gallwn fesur llesiant? Beth y mae'r data hyn yn ei ddweud wrthym? Pa gwestiynau y gallem eu gofyn am y data hyn? Beth fyddai'r atebion? Pam y gallai pobl fod am gynrychioli neu ddisgrifio data mewn ffyrdd gwahanol? 	<ul style="list-style-type: none"> Gweithgaredd 1: <i>Mesur Llesiant</i> Gweithgaredd 2: <i>Darlunio data</i> Gweithgaredd 3: <i>Disgrifio mewn ffordd wahanol</i> 	<ul style="list-style-type: none"> Sioe Sleidiau: sleidiau 2–5, 8-16 Tafleni adnoddau: <ol style="list-style-type: none"> <i>Mesur llesiant</i> <i>Disgrifio mewn ffordd wahanol (Datganiadau wedi'u cwblhau)</i> Tafleni gweithgareddau: <ol style="list-style-type: none"> <i>Pa un yw pa un?</i> <i>Dangos y data</i> <i>Disgrifio mewn ffordd wahanol</i>
Cymraeg: <i>Croeso i fy mywyd</i>	<ul style="list-style-type: none"> Actio rôl a datblygu empathi at eraill. Gallu trafod syniadau gydag eraill mewn grŵp. Defnyddio ffynonellau ysgrifenedig i ddatblygu gwybodaeth ehangach am fywydau pobl ifanc ym mhedair gwlad Bywydau Ifanc. 	<ul style="list-style-type: none"> Bydd y dysgwyr yn dadansoddi testun ysgrifenedig er mwyn nodi a chasglu gwybodaeth am fywydau rhai pobl ifanc yng ngwledydd Bywydau Ifanc. Bydd y dysgwyr yn actio rôl un o'r bobl ifanc sy'n cael sylw. Bydd y dysgwyr yn trafod eu syniadau ag eraill. Bydd y dysgwyr yn ysgrifennu rhestr o'r nodweddion tebyg a'r gwahaniaethau rhwng bywyd un o'r bobl ifanc sy'n cael sylw a'u bywydau eu hunain. 	<ul style="list-style-type: none"> Beth yr ydych chi'n ei wybod am y person ifanc hwn? Sut fywyd sydd ganddo/ganddi, yn eich barn chi? A ydych chi'n meddwl bod bywydau'r holl bobl ifanc yn y gwledydd hyn yr un fath? Pam/Pam ddim? Pa nodweddion tebyg a gwahaniaethau sydd rhwng bywyd y person ifanc hwn a'ch bywyd chi eich hun? A allwch chi feddwl am resymau dros y nodweddion tebyg a'r gwahaniaethau hyn? 	<ul style="list-style-type: none"> Gweithgaredd 1: <i>Croeso i fy mywyd</i> Gweithgaredd 2: <i>Cyf-weld â Bywydau Ifanc</i> Gweithgaredd 3: <i>Nodweddion tebyg a gwahaniaethau</i> 	<ul style="list-style-type: none"> Sioe Sleidiau: sleidiau 2–5, 17-21 Tafleni adnoddau: <ol style="list-style-type: none"> – 4) <i>Croeso i fy mywyd: Salman a Harika (India); Luz a Manuel (Periw)</i> Tafleni gweithgareddau: <ol style="list-style-type: none"> <i>Cwestiynau'r cyfweiliad</i> <i>Nodweddion tebyg a gwahaniaethau</i>